

# INUIT ATAQATIGIIT

## Inatsisartuni



21. august 2018

UKA 2018/167

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Ullormik pinngortitamut qujamasuffimmik atulersitsinissaq pillugu Naalakkersuisut peqquneqarnissaannik Inatsisartunut aalajangiiffigisassatut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

### **Tungavilersuut:**

Ukiuni kingulliuernerusuni nunatsinni immikkut sulingiffeqarfigut inuiattut ullorsiornerup saniatigut kristumiussutsimut tunnganerupput. Ullut nalliuttorsiorfiit ilaqutariulluta, nunaqqatigiilluta tamattaalluta ataatsimoorfigisarpagut. Ataatsimoorussineq nukittuunngortitsisarpoq.

Nunatsinni nunaqartugut inuiaavugut najugaqarfinni ungasissuni siammarsimalluta. Nalliuttorsuarni juulli ukiutoqarlu ataatsikkut nalliutititarpagut. Ullut taakku ilaqqatigut ilagalugit nalliuttorsiorfigisarpagut, ilaqutariinnut ataatsimoorfiit nukittorsaaasut, ataatsimoornermik misigititsiffiusut.

1983-imi inuiattut ullorsioralerpugut. Inuit amerlasuut ulloq malunnartinniarlugu sulingiffeqartarput. Tamanna inuiaqatigiissutsimik misiginermut nukittorsaaavaoq, ataatsimoorfiugami inuiattullu pingaartitatsinnik ileqqulersorfiusarluni – inuiaqatigiit ataatsimuulersillugit.

Nunatsinni inuiaat uagut nammineq pingaartitatsinnik, naleqartitatsinnik ulloqartariaqarpugut – ataatsimoorfissatsinnik, naleqartitatsinnik malunnartitsiffimmik, pingaartorsiorfimmik. Siunnersuutigaara pilersinneqassasoq ulloq pinngortitamit pissarsianut **qujaniarfik**.

Inuiaavugut pinngortitamit, imarsuatsinnit nunallu uumasuinik naasuinillu inuuniutillit. Ukioq naallugu pingaartitaraarput nunatta pissarititaanik aalisarluta, imarmiunik piniarluta, nunialluta, aavarluta, allatullu pissarsilluartaarluta. Aasap ingerlanerani inuiaavugut piliniartartut, ukiup ilarujussuanut ilaqqatitsinnut nunaqqatitsinnullu iluaqutaangaartussanik pilisartut. Piliat tuniniarneqartarput, agguanneqarlutik namminerluunniit nerisaralugit, pilluaatitut pigineqalersarlutik.

# INUIT ATAQATIGIIT

## Inatsisartuni



Nunatsinnit, imartatsinnit pissarsiarpassuavut ittujaarsoreerlugit naammassigaangatsigit arlaqassaqaagut qamuuna qujaniartut. Ulloq pinngortitamut, ikinngutitsinnut ilaquuttatsinnullu qujaniarfigisassarput.

Ulloq aalajangersimasoq qujaniarnermik tassannga ullutut qujaniarfittut malunnartittassagipput siunnersuutigaaara.

Ulloq pinngortitamut qujaniarfik nunatta pissarititaanik atuineramik pingaartitsiviusaaq, aammali ulluussaaq nunaqqatigiulluta ataatsimoornermik misigiffissarput – ataatsimoorfissarput.

Ulloq pinngortitamut qujaniarfik inissinneqarsinnaavoq ukiakkut piliniarfiup naammassereernerani, assersuutigalugu ulloq oktobarip aallaqqaataa.

Nalunnginnakku uattulli pinngortitamit pissarsiarpassuarnut qujaniarusuttoqartartoq siunnersuutigivara ulloq pinngortitamut qujaniarfik.

### **Pisortanut aningaasatigut allaffissormikkullu kingunerisassai:**

Naalakkersuisut ullormik qujaniarfimmik ilusiliinissamut kiffaanngissuseqassapput. Taamaammat ullormik qujaniarfimmik tassannga qaqugukkut nalliussisarnissaq pillugu paasisutissanik pisariaqartunik katersinissamut ukiup affaata missaa atussagaat naliliutigaara. Tamatuma saniatigut Naalakkersuisut ullup pineqartup sunik nassataqarneranik innuttaasunik paasititsiniaassapput. Taamaammat allaffissormikkut suliaq taanna A/C-fuldmægtigip ukiup sisamararterutaanik sulinertut, tassa 125.000 kr-it missaannik naleqassasoq naatsorsuutigineqartariaqarpoq. Naalakkersuisut paasititsiniaanissamut atortussiananik ilusiliisussaammata, tamanut aaqqissuussamik assigisaanilluunniit (assersuut ullup qujaniarfiup siullermeertumik malinnartinnera) aaqqissuussinermi naqitat assigisaalluunniit pisariaqartinneqassapput. Taakku 200.000 kr-it angullugit akeqassasut naliliutigaara.

Matumanili ulloq innuttaasut nammineq atugassaat pineqarpoq, inuillu namminneq asaatik peqatigalugit ulloq qanoq imaqartikkumaarnerlugu aalajangissavaat.

### **Namminersortunut aningaasaatigut allaffissormikkullu kingunerisassai:**

Soqanngilaq

### **Innuttaasunut aningaasatigut allaffissormikkullu kingunerisassai:**

Soqanngilaq